



Broj: 01-04-5-2113/25
Sarajevo, 19.02.2025. godine

U skladu sa članom 70. Zakona o javnim nabavkama BiH ("Sl. glasnik BiH", br. 39/14, 59/22 i 50/24), Zapisnikom o pregledu i ocjeni ponuda, broj: 08-11-15-1698/25 od 07.02.2025. godine i Preporukom Komisije za javne nabavke, broj: 08-11-15-1698-2/25 od 07.02.2025. godine, a na osnovu člana 18. stav 1. Pravilnika o javnim nabavkama Fonda za profesionalnu rehabilitaciju i zapošljavanje osoba sa invaliditetom, broj: 01-02-2-10558/24 od 11.09.2024. godine, Upravni odbor Fonda za profesionalnu rehabilitaciju i zapošljavanje osoba sa invaliditetom na 60. sjednici održanoj dana 19.02.2025. godine d o n o s i

O D L U K U

o izboru najpovoljnijeg ponuđača – Večernji list BH d.o.o.

I

Prihvata se Preporuka Komisije za nabavku, broj: 08-11-15-1698-2/25 od 07.02.2025. godine u postupku nabavke usluga oglašavanja u dnevnim novinama – **LOT 3: Oglašavanje u dnevnim novinama čije je sjedište u Mostaru**, putem otvorenog postupka, i Ugovor za javnu nabavku usluga oglašavanja u dnevnim novinama – **LOT 3: Oglašavanje u dnevnim novinama čije je sjedište u Mostaru**, dodjeljuje se ponuđaču **Večernji list BH d.o.o., ponuda br. 5, dostavljena dana 30.01.2025. godine, za ponuđenu cijenu od 9.114,00 KM (bez PDV-a), kao najpovoljnijem ponuđaču**. Nabavka iz prethodnog stava će se realizovati do iznosa procijenjene vrijednosti za postupak javne nabavke za LOT 3, odnosno do najviše 25.000,00 KM bez PDV-a.

II

Izabrani ponuđač je dužan u roku od 5 (pet) dana od dana dostavljanja ove Odluke dostaviti originale ili ovjerene kopije dokumentacije iz člana 45. Zakona o javnim nabavkama, pobliže navedene u tački 3.1. Tenderske dokumentacije.

III

Ugovorni organ će sa izabranim ponuđačem zaključiti okvirni sporazum i pojedinačne ugovore/narudžbenice o javnoj nabavci kojima će se regulisati međusobna prava i obaveze vezano za predmetnu nabavku shodno zahtjevima- uslovima ugovornog organa navedenim u tenderskoj dokumentaciji za nabavku usluga oglašavanja u dnevnim novinama čije sjedište je u Sarajevu iz tačke I ove odluke i zakonskim propisima koji regulišu postupke ugovaranja.

Prijedlog Okvirnog sporazuma dostavit će se na potpis izabranom ponuđaču po isteku roka od 15 (petnaest) dana, računajući od dana kada svi ponuđači koji su učestvovali u predmetnom postupku nabavke budu obaviješteni o izboru najpovoljnijeg ponuđača.

IV

Ova Odluka stupa na snagu danom donošenja i objavit će se na internet stranici Fonda, istovremeno s upućivanjem iste svim ponuđačima koji su učestvovali u predmetnom postupku javne nabavke, u skladu sa članom 70. stav. 6. Zakona o javnim nabavkama.

O B R A Z L O Ž E N J E

Postupak javne nabavke je pokrenut Odlukom o pokretanju otvorenog postupka javne nabavke broj: 01-04-5-14908/24 od 23.12.2024. godine. Javna nabavka je provedena putem otvorenog postupka. Procijenjena vrijednost nabavke iznosi 100.000,00 KM (bez PDV-a).

Procijenjena vrijednost za LOT 3 iznosi 25.000,00 KM (bez PDV-a).

Tendersku dokumentaciju je preuzelo dvanaest (12) privrednih subjekata, a dva (2) ponuđača su dostavila ponudu u predmetnom postupku nabavke. Neblagovremenih ponuda nije bilo.

Ponude su dostavili sljedeći ponuđači:

| Redni broj | Naziv i sjedište ponuđača |
|------------|---|
| 1. | Večernji list BH d.o.o, ul. Kralja Zvonimira 13, Mostar |
| 2. | Direct media d.o.o, ul. Mjedenica 54, Sarajevo |

Komisija za javne nabavke imenovana Odlukom broj: 01-04-5-14909/24 od 23.12.2024. godine je izvršila pregled i ocjenu ponuda, te konstatovala da je zaprimljena ponuda od strane ponuđača Večernji list BH d.o.o. prihvatljiva, a da je ponuda ponuđača Direct media d.o.o Sarajevo nepravilna.

Analizom dostavljene dokumentacije, Komisija je utvrdila da ponuđač Direct media d.o.o nije dnevna novina, zatim sjedište ponuđača nije u Mostaru, kako je zahtjevano tenderskom dokumentacijom za LOT 3, a u Aneksu 8 Izjave ponuđač potvrđuje dnevni tiraž i dostupnost na području BiH koristeći vlastite ljudske resurse za izvršenje predmetne nabavke.

U Aneksu 9 Izjave ponuđač potvrđuje da dnevni tiraž novina nije manji od 7.000 primjeraka, te dostavlja i Izjavu od strane DL Trgovine d.o.o. Mostar kojom isto potvrđuje. Ponuđač Direct media d.o.o nije dostavio ni jedan dokument kojim bi dokazao da ima zakupljeni prostor za oglašavanje u DL Trgovini d.o.o, kao ni Ugovor o podugovaraču, a prethodno je u sklopu ponude utvrđeno da isti nema namjeru podugovaranja. Ponuđač, također nije dostavio niti jedan dokument na osnovu kojeg bi Komisija mogla utvrditi da se radi o grupi ponuđača u predmetnom postupku.

U skladu sa članom 4. stav 2. Pravilnika o uslovima i načinu korištenja e-Aukcije („Službeni glasnik BiH“, broj 80/23) propisano je da se u slučaju prijema jedne prihvatljive ponude e-Aukcija ne zakazuje

Nakon izvršenog pregleda i ocjene ponuda, Komisija je dostavila Upravnom odboru Fonda za profesionalnu rehabilitaciju i zapošljavanje osoba sa invaliditetom Preporuku broj: 08-11-15-1698-2/25 od 07.02.2025. godine o izboru ponuđača **Večernji list BH d.o.o.**, ul. Kralja Zvonimira 13, Mostar, ID: 4227477030008, sa ponuđenom cijenom od 9.112,00 KM (bez PDV-a) i Zapisnik o pregledu i ocjeni ponuda, broj: 08-11-15-1698/25 od 07.02.2025. godine, uz napomenu da će se usluge nabavljati do procijenjenje vrijednosti za ovaj postupak javne nabavke, odnosno do najviše 25.000,00 KM bez PDV-a.

U postupku donošenja ove odluke, posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača, kao i ocjenu prispjele ponude shodno kriterijima iz Tenderske dokumentacije, te da je izbor izvršen u skladu sa Zakonom o javnim nabavkama, podzakonskim aktima i Tenderskom dokumentacijom.

Uzimajući u obzir naprijed navedeno, odlučeno je kao u dispozitivu ove Odluke.

Pouka o pravnom lijeku:

Protiv ove Odluke svaki od ponuđača koji je učestvovao u postupku nabavke može izjaviti žalbu Ugovornom organu u pisanoj formi u roku od 10 (deset) dana od dana prijema ove Odluke.

PREDSJEDNIK UPRAVNOG ODBORA


Dr. Senad Pešto

Dostaviti:

- Upravnom odboru
- Ponuđaču (2x)
- Službi za javne nabavke i informacione tehnologije
- Sektoru finansijskih i računovodstvenih poslova
- a/a

